


國典
朝綱
吏部





大元聖政典章新集至治條例綱目

大元聖政典章自中統建元至延祐四年所降條畫板行四方已有年矣欽惟皇朝政令誕新朝綱大振省臺院部恪遵成典今謹自至治新元以迄今日頒降條畫及前所未刊新例類聚梓行使官有成規民無犯法其於政治豈小補云

國典

詔令

朝綱

中書省

紀綱 政務

御史臺

紀綱 體察 追問 照刷

公規 公務 行移

吏部

官制 總例 職官 儒官

職制 除赴 假故 作闕

吏制 告叙 丁憂 給由

選格 承蔭

吏制 總例 書吏

譯史 令史

戶部

祿廩 職田 俸鈔

鈔法 倒鈔 偽鈔

錢糧 關收 侵盜

倉庫 義倉

課程 鹽課 茶課 銀課

賦役 差發 差役

勸課 農桑

田宅 交易 災傷 家財

田宅 家財

婚姻 嫁娶 服內婚 不叔姪

錢債 私債

禮部

禮制 禮儀 服色

儒教 學校

釋道 僧道 犯法

兵部

軍制 整治 軍兵

驛站 站赤 鋪馬

刑部

刑制 刑法

刑獄 詳讞

諸盜 總例 偷盜 偷官糧 偷頭口 徵贓 出軍 再犯賊人 騙奪 拐帶 發塚

巡捕 獲賊不獲賊
詐偽 偽造

諸殺 戲殺 誤殺 檢驗 燒埋
諸毆 毀傷肢體 毀傷眼目

諸姦 職官犯奸
訴訟 約會 追理 停務

贓賄 取受 回錢 雜例
雜犯 違枉

人口 隱藏人口 逃軀
頭疋 禁宰殺

刑禁 禁搔擾 禁聚眾 禁姦惡 禁賭博 雜禁

工部

造作 工役
遞鋪 急遞

大元聖政典章新集至治條例綱目

大元聖政典章新集至治條例綱目

大元聖政典章自中統建元至延祐四年所降條畫板行
四方已有年矣欽惟

皇朝政令誕新朝綱大振省臺院部恪遵成典令謹自至治新
元以迄今日頒降條畫及前所未刊新例類聚梓行使官
有成規民無犯法其於政治宜小補云

國典

詔令

朝綱

中書省 紀綱 政務
御史臺 紀綱 追問 體察 照刷

公規 公務 行移

吏部

官制 總例 職官 儒官 職制 除赴 假故 作聞
選格 承蔭 倉庫官 總吏 司官 畫吏 令史 告叙 丁憂 給田

戶部

祿廩 職田 俸鈔 鈔法 例鈔 偽鈔

倉庫 義倉

錢糧 關收 侵盜

課程 鹽課 茶課 契本

賊役 差發 差役

勸課

服內婚

田宅 交易 災傷

婚姻 嫁娶 不娶繼

錢債 私債

禮部

禮部 禮儀 服色 釋道 僧道犯法

儒教 學校

兵部

軍制 整治軍兵

驛站 站赤鋪馬

刑部

刑制 刑法

刑獄 詳讞

諸盜 總例 再犯賊人

偷盜 偷官糧 拐帶

偷頭口 徵脏出軍

巡捕 獲賊 防盜

詐偽 偽造

諸殺 戲殺 誤殺

附 燒埋 檢驗

諸毆 毆傷 毆傷 眼目

諸姦 職官犯奸

訴訟 約會停務

追理

贓賄 取受回錢

雜犯 違枉

人口 隱藏人口

頭足 禁宰殺

刑禁 禁搔擾

禁聚眾

工部

造作 工役

遞鋪 急遞

大元聖政典章新集至治條例綱目

大元聖政典章新集至治條例大全綱目

國典

詔令

今上皇帝登寶位詔 延祐七年三月十一日

太皇太后尊稱詔 延祐七年三月十一日加

太皇太后尊詔 延祐七年十二月十一日

皇帝至治改元詔 至治元年正月 日

詔書 延祐七年五月 日

阿撒等詭謀遭誅

朝綱

中書省

紀綱 不許隔越中書省奏啟 至治二年又至治元年

不許越訴告狀 至治元年

政務 官吏寬抑明白分揀 延祐七年又至治元年

又至治元年見賍賄稟例內

諸衙門申稟明白區處延祐六年

御史臺

紀綱 整治臺綱 延祐六年 又至治元年

體察 體察官員害百姓 延治七年

追問 僧尼誣告官吏廉訪司追問 至治元年

照刷 照刷宣政院文卷 延祐七年 照刷徵政院文卷 延祐七年

延祐七年革後稟到刷卷例

公規

公務 早聚晚散 延祐七年 使臣公事程限 延祐七年

大小公事限內完 至治元年

行移 呈省文書不小盡削散官 延治七年

行宣政院行移 至治二年 隔越行移 至治二年

吏部

官制

總例 重惜名爵 延祐五年 拘收詐冒宣勅 延祐七年

延祐七年革後稟到詐冒求任例

職官 縣尉巡檢正從九品選注 至治元年

長官首領官提調錢糧造作 至治二年

有姓達魯花赤追奪不叙 投下保放達魯花赤 至治二年

鑿儒官 上中州設鑿學教授 延治 五年 學正錄教諭直學 延祐

倉庫官 急缺倉庫寺官諸衙門不得選取 延治 五年

廣濟庫攢各庫子對補 延祐 五年

平准庫子不還役追俸 延祐 七年

院務官 辦課官增課陞等 至治 元年

運司官 鹽場官陞等 至治 元年

職制

除外 官員不赴任及到任推故還家 延祐 七年

聽除官員開籍貫住坐 至治 二年

假故 官員迂莫假限 至治 元年 作闕官告取委官保勘 年 六

作闕 官員事故申官作闕 至治 二年

未任官丁憂病故申告官 延祐 五年

丁憂 官吏丁憂自聞喪日始 延祐 五年 萬戶府知事丁憂 延祐 六年

雜造諸局匠官一体丁憂 延祐 七年 生父期服解官 延祐 七年

官吏侵用官錢不丁憂 延祐 六年 丁憂犯罪依例追問 延祐 五年

起服 起服官員諸例 至治 二年 站提領一体丁憂 至治 二年

給由 提調錢糧官任滿交割給由 延祐 七年

務官匿過給由求仕 延祐 六年

選格

承廕 致仕官一子廕先銓注延祐六年 陰陽監匠人承廕延祐七年
銓注 至治二年內外官吏普減一資 漢人追封祖先体與王爵至治二年

吏制

總例 諸衙門吏員出職 至治元年

吏員依舊出身 至治二年

書吏 選補書吏 至治二年

選試畫吏 至治元年

典吏 典吏張思敬月日 至治二年

譯史 通事譯史出身 延祐六年 路譯史迂調 至治元年

蒙古書寫轉補譯史 至治元年 蒙古教授克職官譯史 延祐六年

今史 散場司州司吏出身 延祐六年 例前幕職依舊例迂叙 延祐五年

鹽場司吏 至治元年

戶部

祿廩

職田 官員職田依鄉原例分收 延祐二年

俸鈔 官吏罰俸定例 延祐五年

鈔法

倒鈔 接倒假偽插補昏鈔罪名 延祐五年 提調鈔法 延祐五年

偽鈔 造偽造人象產未入官經革 延祐六年

偽鈔板未成遇革釋放 至治元年

偽鈔非正犯遇赦革撥 至治元年

倉庫

義倉 倉庫巡防盜賊火獨 延祐六年
點視義倉有無物斛 至治元年

錢糧

關收 萬億庫收堪中支持鈔 至治元年
侵盜 教授直學侵使學糧 延祐三年
延祐七年革後稟到錢糧延祐七年又至治元年

課程

鹽課
鹽法 延祐五年
掙治鹽法 延祐六年
私鹽賞錢 延祐七年
鹽價 延祐三年
鹽引十分中收一分銀 至治元年
林勳鹽梅 延祐六年

鹽魚許令商旅興販 至治二年

茶課 延祐五年掙治茶課

銀庫 蒙山銀場多科工本 延祐七年

酒課 私酒同匿稅科斷 延祐六年

契本 買賣契券本管務司捉稅 至治元年

賦役

差發 江南無田地人戶包銀 延祐七年

官糧一斗添二升 延祐七年
回回當差納包銀 延祐七年

差役 諸色戶計雜泛 至治二年
諸戶均當差役 至治二年

煉銀戶計差役 延祐七年
十石糧簽弓手 至治二年

差役驗鼠尾糧數依次點差 延祐四年

勸課

農桑 禁約食踐田未 延祐四年

田宅

交易 典賣田宅批問程限 探馬赤軍典賣草地 延祐七年

告爭田宅良賤債負依例務停見訴訟告爭婚姻例內

災傷

延祐七年革後稟到冒除災傷等例 延祐七年

儒學災傷田糧 延祐四年

災傷開寫被災人戶實損分數項訟 延祐六年
攢造災傷糧冊 延祐四年

家財

父母未葬不分異 延祐六年

婚姻

嫁娶 許嫁女不許悔親別嫁 年幼過房難比同姓成婚 延祐二年

告爭婚姻隨時絕見訴訟例內

服內婚

夫亡服內成親 斷 延祐七年 祖母喪亡拜靈成親 延祐元年

不叔姪

兄收弟妻斷離 延祐元年

錢債

私債 軍官多取軍人息錢 延祐二年 又 延祐元年

禮部

禮制

禮儀 迎接延祐七年 通事捧表不即起程延祐六年

宣使開讀延祐四年

服色 醫官公服至治二年 站官公服至治二年

儒教

貢舉 科舉貢試之法並依舊制見延祐七年三月十一日

今上皇帝登寶位詔內

學校 釋奠大成樂 訓導聚請年高學博之士 至治元年

僧道

非違 僧道犯罪經斷過免依奸盜例還俗延祐五年

僧俗相干詞訟延祐七年見訴訟例內

兵部

軍制

整治軍兵 軍中不便事件延祐七年

延祐七年革後稟到軍官松役軍人等例

拘刷逃軍及代替軍役延祐六年

驛站

站赤 路達魯花赤總管提調站赤延祐七年

站官就便烙馬延祐七年 揮運宣使人等不得打站官延祐七年

鋪馬 鋪馬不載死人延祐七年 僧俗人每亂騎鋪馬拘收延祐七年

使臣冒起鋪馬罪例延祐七年 貼書冒騎正官鋪馬延祐六年

刑部

刑制

刑法 發副流囚輕重地面 延祐七年

刑獄

詳讞 推官不許獨員遍歷罪囚 延祐七年 平反冤獄 延祐七年

禁司獄用刑 至治元年 巡尉司囚月申 延祐四年

諸奸

職官犯奸 縣尉奸宿樂女 至治元年

諸盜

總例 盜賊通例 延祐六年 拯盜未盡事例 延祐七年

親屬尊卑相盜 延祐六年 親屬相盜分首從 延祐六年 奴盜使物刺字 延祐七年

偷盜

偷鐵猫賊例 至治元年 偷舡賊断例 至治元年

例前除元刺字難補刺 延祐七年

偷官糧

盜官糧未出倉免刺 軍人盜牛依例徒配 延祐五年 偷雇主牛罪例 延祐七年

偷頭口

盜賊革後事發追贓免罪 延祐六年 盜賊革革贓給主稟例 至治元年

出軍 出軍賊在途遇免押赴所在官司刺字 延祐六年

押發流囚期限名數 延祐六年

再犯賊 賊人先犯在逃再犯正刺斷徒役 延祐五年

又延祐六年 未配役再犯合刺斷徒役 延祐七年

再犯賊斷罪迂徙 延祐七年

騙奪 局騙依切盜斷 見前例 撤捲賊依切盜斷 見前例

拘摸賊依切盜斷 延祐六年 持仗白晝搶奪同強盜 延祐二年

持仗白晝搶奪同強盜 延祐七年

革閑弓手祇候奪錢物 延祐七年

調白經革免刺 延祐七年 因爭取財以盜論 延祐七年

拐帶 逃軀偷拐錢物二罪從重論免刺 延祐六年

發塚 發塚賊免刺 肇州屯種 延祐元年

巡捕

獲賊 獲賊陞賞 延祐五年

不獲賊 扈巡檢不即拿賊 延祐五年 馬縣尉不即拿賊 延祐五年

提控捕盜官不向前捉強賊罪例 延祐六年

延祐七年革後稟到捕盜官不獲罪例

防盜 李旺陳言盜賊 延祐元年

詐偽詐偽

偽造 詐偽印信 延祐六年 偽造省印劄付詐關官錢 延祐六年

諸殺

戲殺 李杞一身死 延祐六年

誤殺 誤踏藥箭射死 至治二年

毆傷人將弟打傷誣賴身死 至治二年

打死兄遇革再犯非違依例迁徙 二項見刑禁例內

檢驗 初復檢驗官吏違錯 延祐七年

丘縣尹將病死人檢驗取受 延祐七年

檢尸禁閑雜人等登場 延祐六年

燒埋 殺人在外經革倍徵燒埋 延祐四年

諸毆

傷肢體 富毫打傷佃戶 延祐七年

損眼目 控損兩眼成廢疾 延祐七年 針擦人眼均徵養胆 鈔 延祐四年

富强殘害良善 至治元年

戳刺雙睛断例 至治二年

傷人眼目肢體遇革迁徙 至治元年見刑禁例內

訴訟

約會 軍民相干詞訟 至治二年

財賦佃戶詞訟 延祐七年 畏吾兒无頭目管民官断 延祐六年

僧俗相犯干碍有司 至治二年

僧俗相犯干碍有司 至治二年

追理 徵索茶錢有司追理 延祐六年 茶運司與鹽運司事体不同 延祐六年

停務 告爭婚姻 延祐四年 互爭不絕地租官收 延祐六年

贓賄

取受 宣使奏差犯贓例前殿叙五年前犯減斷後犯難同再犯五年

土官取受元祿同有祿人斷延祐七年

回錢 回錢減等斷罪至治二年

例 延祐七年革後稟到諸例 又至治元年

雜犯

違枉 延祐七年革後稟到官吏違枉雜犯等事

枉勘平人身死至治元年 牧民官誣執平民打死馬至治二年

路縣官擅斷和尚要罪過至治元年

虛妄 管民官不檢踏災傷勒荒作熟斷罪

人口

隱藏合 延祐七年革後稟到隱藏人口例 又至治元年

逃軀 撰馬赤軍人逃軀延祐七年

頭足

禁宰殺 禁斷屠宰至治二年 宰殺馬牛首從罪例延祐七年

禁殺馬牛及婚姻筵席品未延祐七年

刑禁

禁搔擾 革閑官吏僧道交通賄賂至治元年 禁科取俸鈔延祐七年

坊里正主首羈養罪人不便五年

憲司禁約詐稱總領等名色五年

禁聚眾 禁治集場祈賽等罪延祐六年 分揀流民延祐七年

禁奸惡 把持人再犯稟例至治元年 遷徙遇革不放延祐七年

禁賭博 賭博赦後為坐至治二年 賭博賞錢等例延祐六年

雜禁 四個齋戒日頭喫素延祐七年

寺院體做筵會不差人開讀五年

禁銅錢買賣銷毀至治元年 禁廟祝稱摠管太保至治元年

禁借辨習儀物色至治二年

工部

造作

工役 雜造生活合併起解至治二年 帝師殿如文廟大至治元年

通鋪

急通 通傳文字置長引隔眼至治二年

通鋪接界相換挨問至治二年

至治二年以後新例候有須降隨類編入梓行不以刻

板已成而靳於附益也 至治二年六月日謹咨

大元聖政典章新集至治條例目錄

大元聖政典章新集至治條例

至治二年新集

國典

詔令

今皇皇帝登寶位詔延祐七年三月十一日

上天眷命

皇帝聖旨洪惟

太祖皇帝膺期撫運肇開帝業

世祖皇帝神機睿畧統一四海以

聖繼聖迨我

先皇帝至仁厚德涵濡羣生君臨萬國十年于茲以社稷之遠
圖定天下之大本協謀宗親授予冊寶方春官之與政遽
昭考之寔天諸王貴屬元勳碩輔咸謂朕宜體

先皇帝付託之重

皇太后擁祐之慈既深繫於人心詎可虛於神器合辭勸進誠
意交孚乃於三月十一日即

皇帝位於大明殿誕受惟新之命庸推在宥之恩可赦天下自
延祐七年三月十一日昧爽已前除謀及大逆謀殺祖父
母父母妻妾殺夫奴婢殺主謀故殺人但犯強盜印造偽
鈔侵盜短少係官錢糧不赦外其餘一切罪犯已發覺未

發覺已結正未結正罪無輕重咸赦除之敢以赦前事相
告言者以其罪罪之所有合行事宜畫列于后

一卹災拯民國有令典應腹裏路分被災去處曾經賑濟者
據延祐七年合該絲線十分為率擬免五分其餘諸郡絲
線並江淮憂稅並免三分

一差發稅糧民之常賦貧之逋欠在所宜矜其延祐七年以
前徵理未足之數並行捐免已徵入主典之手者不在蠲
免之限

一各處站赤差役繁併迺漸消乏仰中書省通政院設法摶
裁諸衙門毋得泛濫給驛違者罪及當該判署官吏路府

提調官鈐東站官人等毋致聚斂侵尅差役不均監察御史肅政廉訪司嚴加糾治

一遠近諸軍征行戍守終歲勞苦實可矜憫其陣亡之家常例存恤限外更展一年本管翼衛及與魯等官毋得非理科斂違法放債勒取重息監察御史肅政廉訪司常切体究

一兩廣雲南等處哨聚賊入據特巢險出沒不常雖蠻荒之俗固然亦由官府失於威信不能撫怀以致如此詔書到日限一百日內出官自首許免本罪各安其業限外不悛依例收捕

一農桑學校王政之本蓋務農所以厚民勸學所以興化累聖相繼具有典章仰各處提調官常切加意勉求實效勿事虛文其科舉貢試之法並依舊制

一嶽鎮海瀆聖帝明王諸在祀典者長吏擇日致祭尚念

祖宗丕緒持守維艱萬機之繁罔敢暇逸更賴遠近勲戚左右臣鄰咸一乃心以輔予治咨爾多方體予至意故茲詔示想宜知悉

上

太皇太后尊稱詔延祐三月 日

上天眷命

皇帝聖旨為治之瑞無加於立孝報本之義莫大於尊親朕肇
纘不圖恪遵彝典欽惟

儀天興聖慈仁昭懿壽元全德泰寧福慶皇太后神明淵靖淑

睿懿恭定大業於兩朝功施社稷著

徽音於四海慶衍本支夙荷

寶慈撫予眇質思仰酌於

厚德宜首進於

隆名謹上尊稱曰

太皇太后其應干合行典禮令有司討論以聞咨示臣民體予

至意故茲詔示相宜知悉
加封

太皇太后尊號詔延祐七年十二月十一日

上天眷命

皇帝聖旨朕惟聖人之德宜先報本孝子之至莫大尊親式仰

燕謀聿脩緝典欽惟

儀天興聖慈仁昭懿壽元全德泰寧福慶太皇太后仁符乾造

靜体坤元立功擁祐於三朝懿範儀刑於四海匪崇徽號

奚稱予表已於延祐七年十二月十一日謹奉玉冊玉寶

加上尊號曰

儀天興聖慈仁昭懿壽元全德泰寧福慶徽文崇佑太皇太后
於戲慶禮備成丕正彛論之叙綸音誕布庸新孝治之風
咨爾多方体予至意故茲詔示想宜知悉

至治元年五月詔之、俱上而寫大字

至治改元詔延祐七年十一月初二日

上天眷命

皇帝聖旨朕祇適貽謀獲承丕緒念付託之惟重顧繼述之敢
忘爰以延祐七年十一月初二日被服袞冕恭謝于

太廟既大禮之告成宜普天之均慶屬茲踰歲用易紀元予以
導天地之至和予以法春秋之謹始可改延祐八年為至
治元年所有便民事宜條例于後

一國家經費皆出於民近年以來水旱相仍艱食者衆其至
治元年丁地稅糧十分為率天上普免二分合該包銀除
兩廣海北海南權且倚閣其餘去處減免五分

一大都上都興和三路供輸繁重自至治元年為始合着差稅全免三年腹裏被災人戶曾經廉訪司體覆者下年系料與免三分燕南山東汴梁歸德政寧災傷地面應有河泊无問係官投下並仰開禁聽民採取若有元委抽分頭目人等截日革去

一諸人侵欺盜用失陷短少減駁合追埋文案者先將奴婢七年三月十一日詔書已前已有追埋文案者先將奴婢財產盡數准折入官不敷之數體察已白並從釋免若有不盡不實從監察御史肅政廉訪司體察已徵入主典之手者不在此限

一回回漢人南人典賣到蒙古子女為躬者詔書到日分付所在官司應付口糧收養聽候具數開申中書省定奪一百姓流移蓋非得已如欲復業者所在官司官給行糧應有在前拖欠差發課程並行倚閣无拋事產全行給付仍免差稅三年其腹裏百姓因值災傷典賣兒女聽依元價收贖

一諸奕軍人征戍勞苦加以管軍官與魯官司非理侵漁消乏者衆漢軍貧難已告到官者仰樞密院從實分揀合併存恤管軍官放錢違倒多要利息及翻倒文契者詔書到日盡行倚閣和林甘肅雲南四川福建廣海鎮守新附漢

軍除常例外每名給布一疋病者官給醫藥死者給燒埋
中統鈔二十五兩拘該州縣憑准管軍官印署公文於本
處課程錢內隨即支付候有同鄉軍人回還就将骸骨送
至其家違者監察御史肅政廉訪司嚴加糾察其餘合整
治事理仰樞密院續議舉行

一站赤消乏盖用差使頻併今後諸衙門并諸王公主附馬
各枝况常加撙節如有必合差人馳驛幹辦公事斟酌應
付務從減省一切閣防約束事理悉從舊制脫脫禾孫用
心盤詰違者隨申本道廉訪司究問通政院給馬之若有
不應差人及多餘陞給鋪馬者嚴行斷罪

一煎鹽煉鉄運粮船戶較之其它尤為勞苦戶下合該雜泛
差役自至治元年為始優免二年其腹裏煽辦鉄課既數
支用下年權且住煽以舒民力

一經過軍馬營帳圍獵飛放

昔寶赤
八兒赤

並喂養馬駝人等如无

省部明文並不得於百姓處取要草料酒食等物縱令頭
疋損壞田禾樹株如違所在官司就便追斷重者申聞若
有司不為理問監察御史肅政廉訪司並行糾治

一雲南四川福建廣海之任官員已有給驛定例到任之後
不幸病故拋下家屬無力出還窮困遠方誠可哀憫仰所
在官司取勘見數應付元去鋪馬車船仍給行粮遞送還

家如有典賣親屬人口並所完聚價不追還永為定式
一諸色課程各有定額商稅三十分取一不得多取已有定
制令有司考較於正額增餘之外又求羨餘苟非多取於
民彼將焉出仰將延祐七年實辦到官數日為定額已後
辦出增余增自作增額自作額

一均乎賦從乃民政之要今後但凡科着和雇和賈里正主
首一切雜泛差役除邊遠出征軍人及自備首思站亦外
不以是何戶計為民一体均當諸位下諸衙門各枝兒頭
日及權豪勢要人等敢有似前影蔽占怯者以違制論罪
州縣正官用心綜理驗其物力從公推排明置薄務使高

下得宜民無偏負廉訪分司所至之處嚴行照刷違者寃
問在前若有免役

聖旨懿旨並行韋撥

一天下之大機務惟繁博采與言庶能周悉自今諸內外七
品以上官有偉畫長策可以濟世安民者實封呈者如其
可用優加旌擢諸人陳言並依舊例

一守令賢否民之體戚所係必得其人乃能宣化比者舉劾
殿最掌任臺察徒知點貪而不知傷善殊失懲勸之道
今後從監察御史肅政廉訪司官於常選人中每員歲舉
可任守令者二人並須指陳廉能實跡色日官初舉漢官

覆察漢官初舉色目官覆察限次年三月以裏申臺呈省籍其姓名以備擢用既用之後驗其政績成敗與元舉官同示賞罰違期不舉罪亦及之

一比歲設立科舉以取人才尚慮高尚之士悔跡丘園元啟可致各處其有應居行義才德高邁深明治道不求聞達者所在長官具姓名行實牒報本道肅政廉訪司覆察相同申臺呈者聞奏錄用

一封贈之制本以激勸臣不比因泛諸者衆遂至中輟今命
中書者從新設法議擬舉行毋致冗濫
於戲奉先思孝式昭報本之誠發政施仁聿廣錫民之福咨爾

有衆體予至懷故茲詔示想宜知悉

阿散等詭謀遭誅

詔書延祐七年五月

日

上天眷命

皇帝聖旨朕肇登大寶祇道

先獻仍圖任於舊人庶共新於治效豈期邪黨輒蘊私心適

者阿散里駙禿禿哈識列門亦里失八等潛結詭謀撓亂

國政既自作於弗靖固難逭於嚴誅賀伯 輕侮詔書殊

華臣亂不加懲創曷示等威今已各正典刑籍沒其家於

戲惟邦國之用刑以清羣慝俾人臣之知戒勿蹈匪彝咨

爾有衆体予至懷故茲詔示想宜知悉

朝綱

中書省

紀綱

不許隔越中書省奏啟 至治二年五月 日抄白延祐六

年三月二十八日御史臺承奉 中書省劄副御史臺呈

准江南行臺咨據監叅御史咬住舉直大思都承務郝志

善將仕段輔徵事呈切惟

國家命令所以宣揚政化敷布紀綱為法於當時垂憲於後
世蓋非為

國為民不可輕易發也書曰謹乃出令令出惟行不惟反古

古之王其於發號施令重慎如此王言一出天下莫不靡然丕變各得所欲雖山川草木亦皆觀光動色故曰聖人感人心而天下和平良以此也昔唐以中書奏事門下繳駁尚書奉行亦謹號令之意伏惟

聖朝奄四海以為家主中天而建極

祖宗以來九出號令必與大臣協謀精究然後敷之天下是以億兆承聽莫不聳動故自中統鈔建元以來

詔令至今遂為定制切見比年所降

命令非但煩數間亦未孚且

皇元立制政柄總歸中書雖屢誡諸司不得隔越

奏事然諸司奉行不至旋即背違凡有陳請輒自朦朧奏行或有經由中書而政府事務繁冗不暇誥難可否故添樂人氣力者有之斷民間家私者有之或為僧道獲持或與權毫執把冗微細事動輒

宗示中外變易紛紜法無所守且以近年杭州等處開讀者言之如旌德集慶等寺護持杭州馬刺忽女孩兒荅刺看交執把似此之類豈煩

君命翰林院譯寫明該馬刺忽女孩兒荅刺看交奏似此誠非所以取信於四方為百姓之觀瞻也其於

昭代之累甚矣迹其所由蓋因挾權撓法之臣不惜

國體越職犯分各私其所為而致然也又如

帝師法旨護持杭州路明慶等寺亦明

宣示其始終辭理甚與

綸音相類求之禮分實有悖戾且

發號施令

人君之大柄非

帝師之所宜行也伏乞

聖裁所謂隔越奏事一端

朝廷戒飭之法不為不嚴紀綱之倫不為不備然而朝出暮

更且行違者無他賞罰不信故也嘗見宣將此隔越中書

已行

聖旨取勘盡數拘收仍明白擅自奏事科斷之條以示必罰不

宜但以今後為禁以長僥倖之風鈔惟

朝廷詔誥既皆經由國史翰林其承旨學士等員皆帶知制

誥階衙又有根脚大臣習知

國朝典政者首領院事欲乞今後應千

綸紱專命掌之凡有奏行布告之事並從中書省送本院詳

定可否其或措置有指

治道者則繳駁封回敷

奏其可行者則加潤飾呈中書詳驗仍備行翰林院譯寫施

行則亦唐中書尚書門下之制也誠如此庶不辱君命於寰宇取譏議於將來卑職等忝膺言責深恩切慮損於治體不度暗劣輒進瞽言今抄連節次開讀

聖旨法旨在前具呈照詳得此本臺看詳若號令摠歸中書則無多門以干政然隔越之罪朱嘗謹責唯恐紀綱紊亂繫非輕如准監察御史所言允合公道咨請照詳准此具呈照詳得此延祐五年十二月三十日

奏過事內一件御史備着南台監察御史文書裏說將來國家命令要取信天下不可不謹自

祖宗

世祖皇帝中統建元以來凡有

詔令天下宣諭了呵不輕更改有

皇帝登寶位行了

詔書應有大小勾當都經由中書省揀甚麼衙門隔越着中書

省

奏事呵依着別了

聖旨體例裏要罪過如今不依着行了的

詔書

聖旨凡有民間細碎的勾當輒便朦朧奏奉

聖旨各處開讀有與樂人添氣力的也有斷百姓家私的也有

為僧道護持權豪執把的也有如近年杭州等處開讀為集慶等事護持又馬刺忽的女孩兒荅刺看家私的上頭教

奏執把的

聖旨這般的細事不宜頒降

聖旨四方百姓也失觀聽因這般朦朧隔越奏事的人每不曾戒約呵展轉多了也又

帝師法旨護持各處寺院便以

聖旨一般開讀有合應有隔越着中書朦朧奏過行了了的

聖旨取勘盡數拘收了但有擅自奏事的定立科罪之條必然這般行呵人不敢僥倖又翰林院凡譯寫開讀的

聖旨若有干礙着體例呈與省家彙檢商量似這般呵於治有益題說有俺商量來在先為不交隔越奏事的

詔書裏並累次奏奉

聖旨遍行文書來翰林院譯寫

聖旨呵呈省共議彙檢的也奏過行文書來如今臺官人每題說的是的上頭明白

上位根底奏知除寺觀護持

聖旨外但是家私錢債婚姻地土等爭訟勾當並闕碍中書省

一切政務隔越着奏來的

聖旨教各衙門照勘合拘收的拘收將來若拘收不盡的監察御史廉訪司體察今後翰林院譯寫

聖旨呵但凡干碍着體例依已行來的例將藁檢呈省若是隔越着奏事并徑直行的俺依着已行的

詔書聖旨禁約不教又

帝師法旨只依着在先行的體例裏教行呵怎生奏呵奉

聖旨那般者

聖旨了也欽此除外都省合下仰照驗邊行欽依施行

又至治元年五月 日江浙行省准 中書省咨蒙古文

字譯該中書省官人每根底翰林院官人每言語特奉

聖旨除中書省樞密院御史臺宣政院官人每外不揀那個衙門各役下官人每不揀是誰隔越翰林院官人每

聖旨的勾當休奏者將在前與來的

聖旨倒換者麼道恁省官每根底說着交隨處行文書者麼道聖旨了也猴兒年三月二十二日欽此都省咨請欽依施行

不許越訴告狀至治元年四月 日江南行臺准 御史

臺咨承奉口

中書省劄付至治元年二月二十三日

奏過事內一件近聞

御前告狀的多了有覷他每文書呵多一半從下合干衙門裏不告徑直

皇帝根底告的也有告狀呵從下路府州縣裏告了不行呵合上頭衙門裏告有越訴呵合要罪過有從下不告徑直皇帝根底告的要罪過呵怎生奏呵奉

聖旨從下告了不行呵省院臺合于的大衙門裏告者這衙門裏官人每有理不行呵

我根底告者越訴徑直

我根底告的要罪過者欽此都省欽依施行

政務

官吏冤抑明白分揀延祐七年二月 日江南行臺准

御史臺咨延祐六年十一月三十日

奏過事內一件設官置例本以撫安百姓分揀是非有來為恐內外官使要肚皮害有姓壞了大勾當上頭

世祖皇帝立御史臺廉訪司糾察追問呵多得濟來近年以來蠹政害民要肚皮做賊說謊的官吏每招駐明白以體例斷罷了的更受

宣官掩題奏過斷了的一面飾詞却來稱冤官吏每稱冤呵便達知

朝廷百姓每被害有冤抑呵

上位根底不能得知這稱冤的人每只合分揀元斷是的是不是的省部家一槩定擬革前稱冤的但是存行文書照勘其間遇着釋免便交還職這般行呵啟開僥倖的門戶要肚皮的反人每廝做做着不問遠年近年的都來稱冤好生紊亂看紀綱法度有俺尋思來被問來的官吏革前稱冤的中間果有冤抑情節呵照勘明白分揀元抑屈的依着已結正了的行俺與省家文書這般體例教行的上位識者奏呵那般者麼道聖旨了也欽此咨請欽依施行

又至治元年二月 日江南行臺准 御史臺咨承奉

中書省劄副刑部呈奏省劄延祐七年四月十四日

奏過事內一件前者為被枉問來麼道稱冤的人每多的上頭俺奏了教臺官每分揀者麼道將他每告來的狀子與將臺裏去了來如今稱冤的也多有被告舉林伯枉問來的也有該臺裏元告狀子與將臺去去該省裏的俺交人提調着分揀呵怎生奏呵奉

聖旨那般者欽此

諸衙門申稟明白區處延祐七年正月 日江西行省准

中書省咨御史臺呈備監察御史呈會驗 去至元新革諸

公事明白例應處決一款 欽此照刷河南省卷內各道宣
慰司路府運司等衙門應有申稟公事當該掾吏或受請
求及避照刷多不明白立案披詳與決又不引用

條例縱恣所為止押行行檢朦朧四下仰依例或照驗施行
今後凡有申稟公事該吏部將元來事頭公斤署押必合
照議之事先行請判然後明立案驗所申文解已加議論
者可准即云准由若所見不同有例引用其例無例從公
擬決明白區處回下所司如有違犯從風憲依例糾問得
此送刑部議得各處行省所轄司屬衙門應有申稟公事
合准監察御史所言明白區處庶革奸弊如蒙准呈照會

相應都省准擬咨請依上施行

御史臺

紀綱

整治臺綱延祐六年十二月初四日欽奉

聖旨中書省為頭內外大小衙門官人每根底眾百姓每根底
宣諭的

聖旨

世祖皇帝立御史臺彈劾中書省以下內外但凡勾當裏委副
着的官吏賍污不法奸邪非違肅清風俗刷磨諸司案牘
行呵益國便民有來近年以來委副着的官人每勾當裏
不肯用心行要肚皮壞政事積漸的多了教百姓每根生

受有監察廉訪司官不曾盡心糾彈上頭與初立御史臺體例不廝似有今命月魯律那顏子廣平王脫秃哈塔察兒大夫孫帖木兒不花為御史大夫整治臺綱委副了也不以是何大小勾當裏行的官吏更近行的每不揀是誰軍民站赤錢糧選法刑名造作中間做賊說謊要肚皮觀面皮做元體例勾當交百姓生受的監察御史肅政廉訪司官人每用心體察者又做罪過來的人每使見識教上來休問放了者麼道似這般一面飾詞不揀誰休奏者傳來的

聖旨有呵休行者更內外勾當裏委付着並近行的人每自己

其間影蔽着係官錢糧尅落了做元體例勾當的御史台官人每休問他每自識麼道與來的执把

聖旨革了者御史台官人每監察廉訪司官每依在前體例問者但有印信衙門文卷依體例都照刷者益國便民勾當題說者內外大小官吏不公不法蠹政害民別了體例的每根底監察廉訪司官每盡心體察行的添與名分者明知道不肯糾彈呵有罪過者官吏每元體例勾當做了的說監察廉訪司官每枉問了斷罪來麼道告的人有呵依在前體例御史台裏告者外頭有的行台裏告者問的是實呵被告的官吏每依體例要罪過者虛呵告的人每加

等斷罪者台察裏勾當不揀誰休入去者休沮壞者這般
宣諭了呵別了的人每根底要罪過者他每却別了体例
行呵不怕那甚麼更風憲裏合有整治勾當呵從新整治
者凡有合行事理照依立御史臺以來累降

條畫

聖旨體例行者

聖旨羊兒年十二月初四日

又至治元年

月

日江南行台准

御史台咨延祐七

年三月二十三日

奏過事內一件

世祖皇帝初立御史臺彈劾中書省以下內外大小諸衙門官
吏人等奸邪非違肅清風俗刷磨諸司案牘做耳目委付
着來又監察廉訪司官明知道不公不法的不糾彈呵有
罪過者麼道行了

察御史

聖旨有來在先月魯律邦演為頭台官每奏自中丞以下至監
察御史
國家政事得失生民休戚但有着得的勾當交題說呵不空
吃了俸錢么道奏呵來

世祖皇帝聖旨

俺每有的不是呵也說么道這言語道的是恁說的是呵行也

者不是呵休行者那裏肯教指着恁

俺根成說呵別人根底怎生肯放過說有來桑哥事敗之後月

魯律那演等臺官每既說恁根底見的眼聽得的耳朵委

付着呵為甚么不先說來待要罪過呵饒了來如今

皇帝新登寶位大約當裏更索向前出氣力行有俺是糾彈的

衙門別了

皇帝禮撒做賊說謊的人每不受沮壞臺綱的人多有臺事行

不的呵做罪過的人多了百姓每生受有

皇帝可憐見呵臺家勾當裏添氣力交行的

上位識者奏呵奉

聖旨那般者依着先在體例裏在意行者是呵行也者不是呵

您根底那裏肯交損着么道

聖旨了也欽此咨請欽依施行

體察

體察官員害百姓延祐七年四月 日江西行者准

中書省咨御史臺呈延祐六年十二月二十四日本臺官

特奉

聖旨內外委付着的官人每管民官每做無體例勾當交百姓

多生受不安好生失治有么道

我聽知說有我

我尋思來內外委付着的官人每更管民官每做無體例勾當
交百姓每生受的因着監察御史廉訪司官每不肯用心
體察的上頭這的每做賊說謊要肚皮交百姓每生受的
緣故是這般有如今恁各處行將文書去交監察廉訪司
官每用心體察行者麼道

聖旨了也欽此都省咨請欽依施行

追問

僧尼誣告官吏廉訪司追問至治元年二月 日江南行

臺准 御史臺咨來浙西道廉訪司申欽奉

聖旨節該杭州立了行宣政院衙門文卷監察每照刷者欽此

除欽依外照得行宣政院杭州置司正係本道親臨其僧
尼徃徃赴司陳告有司官吏人等取受不法數內干連僧
人必合勾問或有涉虛例應抵罪若便區處緣元奉到明
白遵守通例緣係為例事理咨請照詳准此呈奉 中書
省劄付送據刑部呈議得各道廉訪司按問大小官吏人
等取受不法不公若僧尼告論有司官吏人等取受等事
如其干連僧尼有誣告之人廉訪司既係受理元問官司
即與僧俗爭執事理不同合准御史臺所擬從廉訪司就
便勾追取問歸結相應具呈照詳得此准呈除外都省仰
依上施行

照刷

照刷宣徽院文卷 延祐七年五月 日江南行御史臺准
御史臺咨承奉 中書省劄付延祐七年四月十一日特奉
聖旨宣徽院裏出入的錢糧浩大不教照刷文卷呵怎中您行
與臺家文書前者行了的

赦前的文卷體教照刷者今後宣徽院並它每管着的司屬
的文卷依體例交照刷者麼道

聖旨了也欽此省府除外合下仰照驗仰欽依施行

照刷徽政院司屬文卷延祐七年十一月 日江南行臺准
御史臺咨延祐七年六月二十七日奏奉

聖旨節該徽政院所轄外頭但有印信的諸司衙門雖是辦着
財賦錢糧造作一切事務呵與有司相關的公事多有若
不按治照刷呵好生不便當有依着行臺監察每說將來
的將它每的文卷依體例按治照刷呵怎生奏呵您眼說
的是有徽政院所轄外頭但有印信的衙門文卷依體例
照刷者麼道

聖旨了也欽此咨請欽依施行准此仰欽依施行

延祐七年革後稟到刷卷例延祐七年八月 日江西廉
訪司奉臺劄准 御史臺咨奉 中書省劄付來呈延年
七年三月十一日革後稟到送刑部照擬到下項事理都

省准呈仰依上施行承此請依上施行准此仰依上施行

一延祐七年三月十一日以前諸司文卷干碍錢糧婚姻田宅銀等事及不該釋免重刑一切應改正事理合無指卷照刷刑部照得延祐四年二月十二日呈請中書省劄付御史臺呈照得大德十年六月二十四日

奏過事內一件云至大四年革後稟取受例內指卷例刷一款已經照會今承見奉本部議得上頭事理合依前例指卷照刷相應

公規

公務

早聚晚散中書省延祐七年五月二十六日中書省

奏過事內一件大都省扎魯花赤首領官六部官必闌赤人等不早聚急慢一般有麼道大都省官人每說將來奏呵聖旨大都的及這裏的省部諸衙門裏勾當行的不早聚晚散急慢呵打了勾當裏交出去者

我根底行的除入怯薛的之外其余元怯薛的交勾當裏早聚晚散者麼道

聖旨了也

使臣公事程限中書省延祐七年六月十四日速速叅政特奉

聖旨今後各處來的使臣每的勾當大事五日小事三日完備了交上馬者各衙門裏行文書悞了勾當呵有罪過者麼道欽此

大小公事限內完不完至治元年二月 日江西行省准中書省咨蒙古文字譯該中書省官人每根底通政院官人每言語特奉

聖旨昨前秋間使臣每的勾當小事三日大事五日七日的其問他每來的勾當完備了教上馬者麼道不說來那恁如

今各衙門裏行印信文書者今後各衙門裏三日的五日的七日的使臣每不揀甚麼勾當有呵完備了教迴去者限內他每的勾當不完備了教上馬的各衙門官人每的名記着

我根底說者麼道

聖旨了也欽此

行移

呈省文書不小書削散官延祐七年五月二十六日中書省

奏過事內一件各衙門官員但凡勾當裏呈省呵不小書交

以次下官人每小書着呈與俺每文書有但是行文書的
盡是大勾當有它每道俺受的散官高麼呈省的文字不
小書有奏呵奉

聖旨那般體例那裏有他每的散官寫將來者我覷着削降它
每的散官今後都交小書呈着者欽此

行宣政院行移至治元年十二月二十五日福建宣慰司
奉江浙省劄准中書省咨來咨據福建宣慰司呈行宣
政院劄為僧得清告僧淨真毆打公事叅詳本道係二品
衙門隸省府所轄非行宣政院司屬况兼元欽奉
聖旨節文明該行宣政院文書行省各路裏行移者欽奉如此

宣應行宣政院徑直劄付本道宜從省府區處得此叅詳
宜令合于部分定擬咨請照驗准此送據禮部呈照延祐
祐七年十二月廿九日奉省判湖廣省咨大元興寺住持
與行宣政院行移本部議得行宣政院九與行省相干公
事比倒備咨宣政院轉呈都省移咨各省相應具呈中書
省照詳了當今承見奉本部議得各道宣慰司隸屬行省
行宣政院非其所統徑直劄付於理未應具呈照詳得此
際外咨請依上施行

公休條例

从目錄 寫一丁

戶孫廩

札札制

利利制

利修務

五布

吏部
官制

摠例

重惜名爵 延祐五年江西行省准 中書省咨延祐五年

十一月十一日

奏過事內一件御史臺備着江南行臺衆監察每文書裏呈
將來名爵是

國家大勾當若有功能的人每根底與的當更循着體例得
的難呵天下人看得名爵重若與的泛濫得的容易呵天
下人看的名爵輕了自古來天下治與不治只在名爵用

人有

皇帝初登寶位首先為惜名爵
詔書裏行了來近年間各衙自

奏選用人的毫伯富戶每徃徃營幹了受

宣勅的名分這一等毫伯每在鄉里開時猶自欺凌百姓把
持官府更做了受

朝命職官麼道恰似虎生兩翼的一般官府百姓根底更是
把持欺凌有且以建康一路畧說呵如句容縣毫民王訓
白身受

宣大都等處打捕廩房民匠總管他的叔叔王熙亦受

宣命中瑞司丞唐興宗元是江西行省理問所令史便受
宣命建康財賦提舉似這般濫用的人每好生多有合交省
家照勘了依着

詔書體例都罷了又合

奏選的衙門裏委付的人也合於資品相應的人裏定奪體
例不應的人每教省家回

奏其余衙門近侍的人每隔越着省家

奏啟政務的依着

詔書行來的以違制論罪麼道只般說有俺衆人商量來臺
家說的是治天下的大勾當有如今各頭下各衙門裏因

着他每自選人麼道腹裏江南白身的人每虛捏着怯薛詐冒說着籍貫姓名作樂欺誑

朝廷受了

宣勅近上名分委付了的多有至有賺了名分嫌遠不赴任去的做根脚再求仕的也有常選裏人每循着資格兩考三考才得陞轉這等僥倖人每白身裏做三品四品雖是不入常調從各投下各衙門委付呵是一般受了

國家宣勅管着軍民人匠等戶更把持官府欺凌百姓影占着自己的戶門差役更碍着服色名爵中間好生窒碍的多有因這般上頭大數目富的百姓詐作各役下戶計營

幹勾當有俺待依着行呵別了大體例不依着行呵却道俺違了

聖旨麼道怕有若不拯治可漸漸多了也如今先将這王訓等三人交臺家照勘了合罷的合追奪的就便依體例行其餘各役下各衙門似這般但是虛捏着怯薛的冒着籍貫的便改了姓的有過犯來的大數目裏詐稱投下的白身便要了

宣勅名分並濫受各投下令旨委付的更受了遠方變夷等地面官職不赴任去的無體例受了

宣勅不赴任就做根脚再求仕的文書到日限一個月教它

每日費着

宣勅所在官司出首免罪隱匿不首的許諸陳告告是實賞中
 統鈔一百定於犯人名下追給依體例要罪過追奪所受
 宣勅更教監察廉訪司遍行體察這般行了後頭各役下有
 缺用人呵只教他自愛馬裏選着委付大數日裏人每不
 敢冒着入去各衙門合奏選的也只教先儘他每勾當裏
 行來的有體例人每委用不敷呵當選裏人每選着要付
 除有資品出身人外敕用的人若合委付呵先交近下勾
 當裏委付近上名分不教驟與更隔越着省家奏來的雖
 有

聖旨俺只依着體例回與他文書不教委付這假呵選法司似
 的一般久遠做體例行呵怎生奏呵那般者麼道
 聖旨了也欽此都省咨請施行

拘收詐冒宣勅延祐七年三月 日江浙省准 中書省

咨河南行省咨河東宣慰司呈高郵府備寶應縣申鎮守
 寶應管軍千戶所備上副千戶揚忠顯闕切見本縣東關
 外官莊內閑居漢兒孫天祐至元二十九年受總統院
 劄付克揚州營田提領大德七年例革大德九年冒受
 勅勅牒州江淮營田副提舉任滿延祐二年六月內欽奉
 宣命改名作桑和孫奉議大夫欽州路達魯花赤至今四年

之上正係更名驟陞嫌作桑任勾責泮孫天祐招伏是實
得此除將追奪

宣勅各一道收貯聽候責限追徵合納賞錢中統鈔一百定
依例給領外本省看詳上項事理若便議擬斷罪緣無所
守道例咨請回示准此送據刑部呈議得孫天祐所招不
合更改名字僥倖欽受

宣命驟陞欽州路達魯花赤嫌遠不曾赴任革後欽此

聖旨立限拘收白身冒受

宣勅本人違限又不送納今既追收到官賞錢亦已徵給別
元定奪止據違限不納

宣勅罪犯量擬笞五十七下緣本人年已七十之上依例贖
罪如蒙准呈本部為例遵守相應具呈詳照得此 都省
准擬除外咨請依上施行

延祐七年革後稟詐冒求仕等例延祐七年八月 日江

西廉訪司奉一臺劄准 御史臺咨奉 中書省劄付來

呈延祐七年三月十一日革後稟到送刑部照擬到下項
事理都省准擬依上施行

一白身詐冒求仕革前已取招伏罪經釋免依例追奪未取
招伏並革後陳告者合元一體追納刑部照得延祐五年
十一月十一日欽奉

聖旨節該但是虛捏着怯薛的云重指名爵例欽此除欽遵外
本部議得上項事理革前已取招伏罪經釋免依例追納
未取招伏并格後陳告者罪雖過免擬合照勘明白一體
追奪絡賞相應

一諸人告言有姓不應達魯花赤人負指證照勘明白合元
依例追奪革罷刑部照得延祐四年五月十七日呈准中
書省劄付本部呈先准中書省劄付照得皇慶元年六月
初八日

奏過事內一件云有姓達魯花赤追奪不叙例已經照會今
承見奉本部議得上項事理合依前例一體施行相應

住罷封贈延祐五年六月日江西省准 中書省咨延
祐五年二月二十八日陳大舉士奏陳堊小名的秀才根
底立與碑的奏呵欽察叅議奉

聖旨因着與封贈的上頭似這般不認的做學着
我根底奏有如今與封贈的教住罷者麼道
聖旨了也欽此都省咨請欽依施行

職官

縣尉巡檢於正從九品內選注至治元年二月日江南
行臺准 御史臺咨奉 中書省劄付來呈備監察御史
呈切以縣尉巡檢名後雖徵所係實重近年以來多係廢

授子弟年皆幼冲既不閑習弓馬焉知警捕方畧中間及有年邁之人精神衰憊手足癱瘓被堅乘馬尚且不能何以示其矍鑠哉一旦盜賊生發無所措手足致縱賊徒滋蔓具呈照詳送據吏部呈議得縣尉巡檢近年以來為漢人不能閑習弓馬腹裏沃設色目縣尉巡檢分輪警捕若以廢授人員不充其選上於各衙門通譯史奏差人內委用其考滿應注者百無一二員聞不能相就有礙銓選若於到選正從九品內驗其歷仕根脚年三十之上六十之下者不限地方遴選住授就行移各路提調捕盜正官督責縣尉巡檢弓兵人等嚴加巡警務要不致盜賊生發若准呈施行

長官首領官提調錢糧造作至治二年袁州路抄到至元二十四年六月奉江西行省劄付准尚書省咨該會驗前省各界自中統元年至今多有未納虧欠錢糧等物除已照勘另行

聞奏外自立尚書省為始合辦納差發課程稅糧等錢物若不從新委官提調切恐依前拖欠深為未便都省移咨委自各道宣慰司官轉運司官各處達魯花赤長官並掌司

首領官常切提調如尚官有故以次正官依上提調將應合納差發稅糧金銀鉄冶茶鹽鷹準皮貨諸色課程及造作和買諸物須要照依元定限次赴所指倉庫送納數足仍將收支見在錢糧數目每月一次明白結轉赤歷及開申行省每季類次都省仍令上項已委路官時復點勘倉庫見在如中間但有短少或拖欠不納錢糧之人枷項號令依

條追斷若已委官不為用心提調闕防取招擬罪咨來如行省宣慰司官提調不嚴定須

聞奏施行若有任滿官員界內實合納錢糧却有拖欠數目

無得給由如有看循故行給與解由者定勒陪納拖欠錢糧更行究治施行准此仰施行

儒官

正錄教諭直學延祐四年正月 日行省准

中書省咨禮部呈奉省部御史臺呈行臺咨廣東廉訪司申惠州路牒呈山長鄭鐸文楊天相得代請依例試驗准此照得白身初立教官例及科舉例欽此除此遵依今據前因除另行外畧司看詳今後學正山長得代給由赴司面試若依大德八年考試程式出題試驗却緣律賦小義已經

奏准不用如試經義古賦却非科場舉子及各路保舉白身
入教官之人若比歲貢保舉儒人並令赴本鄉應試已
後急缺學錄教諭未審如何選取及山長學正得代如何
面試即係為例事理乞照詳得此本臺看詳廣東道廉訪
司所言事關通例宜從都省令合干部分定擬相應咨請
照詳准此呈乞照詳批奉都堂鈞旨送禮部照驗施行奉
此照得大德五年六月內湖廣行省准中書省咨選取教
官內一件所轄儒學教官額員陞轉等事照得至元二十
一年二月呈准中書省劄付腹裏儒學教授例路教授擬
設一員學正學錄各設一員散府上中州設教授一員下

州設學正一員縣設教諭一員除教授祇愛

勅牒學正受中書省劄付學錄教諭並受吏部付身路府州
縣各添設直學一員止授本路官司付錢勾當各處教授
以三年為滿依例迂調須歷兩任所據路教授遇有缺員
散府上中州教授歷一考之上者陞補各處學正有缺學
錄教諭歷二考之上陞補學錄教諭有缺於直學內選補
並依例體申覆呈散府諸州并各處書院教授有缺各處
學正一考之上者陞補直學於本學在前執事人內選保
性行端方才幹通敏者充未有缺員依舊勾當奉此本部
叅詳各處教諭學錄名分雖居下例亦須用有學行之人

今後應設教授學正去處依舊例設直學一員許合本處教授於在學生員內推保才學優長行無玷缺者其中合于上司令文資正官當面出題試驗經疑史評各一道依本路出結付身委充勾當三十月為滿勘合給由依上考試中式補完學錄教諭雖歷兩任再行試中方入學正山長之選學正山長滿日依上再試果中程式繳連程文申達省部行移集兵院考校中式陞補府州教授如不中式者止於學正山長內任用所據試驗文字比依科舉例各從所業試經疑二問詔語章表右賦科一道如蒙准呈移咨行省劄付本部依上施行得此奉都堂鈞旨即日科舉

既行教授之職尤當慎選送禮部再行照擬奉此行據集賢院送國子監備國子學呈議擬試教教官內教諭學錄一任即陞山長似陟太優即緣自直學至教授中間待試聽除守缺給由所歷月日前後三十餘年比至入流已及致仕情有可憫况兼科場取士未等亦是正八品級其教授入流止得從八若更多添月日將來必元類選教授人員學校必致廢弛無以作成人材如蒙務免依從所擬相應據直至教授依例陞用外至科舉年分願試者所以為便益具呈照詳得此仰回呈禮部照驗施行承此具呈照詳得此本部叅評國子監所擬試驗教官通例逐一議擬

如蒙准呈移咨行者劄付本部行移合屬照會相應開呈
照詳得此都省今將逐項事理開咨請依上施行

國子監議得直學之職止是掌管錢糧廟學祭祀修造等
事轉陞教官固當慎選然此即日取士之法所以誘進
後人不可失於太嚴今後直學有缺擬從本處教官選
保在學生員體覆相應移文本路出給付身委充直學
三十月為滿約會本路文資正官教官出題面試經疑
一問於四書內出題考較中式須是半印勘合給由以
達省部行移集賢院考較陞充學錄教諭中間若有冒
濫從監察御史肅政廉訪司糾治

前件議得今後應設教授學正山長去處依舊例設直學
一員其所試經疑以經者明白文辭條暢為中式所據在
內直學任滿申達省部行移集賢院考較其在行省者申
覆本省儒學提學司考較今從國子監所擬相因

國子監議得學錄教諭已經試驗方充前職若再行試驗
事涉重複况兼所除守缺比及兩考任回動輒一十餘
年不元淹滯今後教諭學錄照依在歷一任依例類學
正山長之選

前件議得學錄教諭已經驗依舊例須歷兩考依例勘合
給由仍取本人親筆所業文字一十道行移考較如中程

式陞學學正山長

國子監議得學正山長已是有出身人員若依科舉立式試驗却緣余外別無優陞以此者詳事涉太重今後學正山長考滿擬依舊例各隨所業面試經義一道不拘舊格仍面試詔誥章表科一道考較中式陞克府州教授如不中式者再以學正山長外內任用

前件議得學正山長陞用宜准國子監所擬令本路文咨正官同本路教授公斤出題面試經疑右賦詔誥章表科一道相

鑿官

上中州設鑿學教授至治二年抄到江西行省延祐六年七月日准中書省咨延祐六年四月二十四日

奏過事內一件太鑿院官人每俺根底與文書上州中州裏委付着蒙古儒學陰陽教授有依那例上中州裏教委付鑿學教授者麼道奏奉

聖旨與了俺文書有依已了的聖旨委付呵怎生奏呵奉聖旨他每是一個體例有委付者欽此都省咨請欽依施行

倉庫官

急缺倉庫等官諸衙門不得選取延祐五年五月日 江

西行省准 中書省咨 御史臺呈燕南河北廉訪司申

真定路牒呈本路行用庫提領劉塔不可患病作缺大使
缺員已除韓輔刑部選充令史副使張居敬因庫子接覽
昏鈔斷罪解任即日並無正官止是輪差縣官一員監例
委的不便得此照得如此本臺看詳刑部令史韓輔除真
定路行用庫大使填韓輔不赴任缺照得如此本臺看詳
刑部令史韓輔依已除真定路鈔庫急缺大使於例不應
迂延過期窺同吏部作缺准設如此僥倖兩部當該主事

令史俱各究問緣已除胡天祥補填前缺今後凡有似此倉場院務司獄監場等官各衙門不得違例選取後過月日並不准理補用官吏依例斷罪具呈照詳送吏部照得大德十年十二月二十六日

奏准節該六部省斷事官令史正從九品得替解由無過文資流官內選取考滿應得資品上陞一等止除元任地方雜職不預欽此又照得延祐二年四月十七日中書省

奏過事內一件節該如今但是有出身的衙門合設的令史教授秀才根腳裏做令史來的人內選取不勾呵職官並吏員內選取月日滿呵依着已了的

聖旨吏員從七品以上不委付秀才職官依舊例委付欽此本部議得選取職官已有定例今後除急缺倉場院務鈔庫司獄監場等官各衙門本得選取後過月日並不准補用官吏定罪叅詳如准臺擬相應得此都省咨請依上施行

廣濟庫攢各庫子對補延祐五年十二月 日袁州路奉江西行省劄付庫濟庫申提控攢典謝榮元係袁州路萍鄉州吏延祐四年十一月二十日本路差充廣濟庫攢典已及週歲申乞差替得此照得至大二年五月申書省省咨今後將各處庫子攢典與州縣司吏一體輪差明立案驗先後挨排如遇庫子滿日行下州縣將揆定上名司吏

承充却將窠閩令庫子交換補填遞相輪流週而復始考
滿依例陞轉省府講究差設庫子攢典如遇得替行下本
處即將上名司吏申解却將得替乙承甲缺發補勾當籍
記姓名遇府州司吏有缺挨次勾補但有挽越從廉訪司
糾察相應以免不須咨稟都省咨請依上施行此又照得
得本庫提控攢典謝榮係袁州路差到萍鄉州吏謝榮於
延祐五年正月二十一日入役抵替吳元方名缺今據見
申仰依例於萍鄉州吏內點差一名就召壯保二名取具
各各丁口事產文狀差人管押解者如到來但有違例不
應定將首領官吏究問外據歇下名聞听候對補施行

平准庫子不還役追俸延祐七年八月 日袁州路奉
江西行省劄付據贛州路申平准行用庫子趙隆延祐六
年二月支俸至四月入庫例鈔七月十三日起省燒鈔八
月十八日奉到省劄已燒了當本人實歷俸六月葉元加
延祐六年三月支俸十月初十日起省燒鈔延祐七年正
月十七日奉省劄已燒了當本人實歷俸八月各人托病
不行還役如蒙准理實歷俸月已請過俸鈔依例追徵還
官補滿週歲方許給由庶不耽悞官事得此除已劄付龍
興等路勾追庫子趙隆等就發還役據虛曠月日支過俸
給追理還官外省府仰照勘以此虛曠月日人等依例施

行

院務官

辦課官增課陞等至治元年正月

日江西行省准

中書省咨戶部呈奉省判吏部呈江州路德化縣河泊提領朱信任內辦到中統鈔三千五百八十八定一兩四錢內除正課外增余鈔一千七百八十七定一兩七錢五分以十分為率比附前界課程增及九分之上依例擬陞二等合於從七江南迂用照得至元二年九年中書省議得增及六分牛馬市擬二等注授增及三分稅課提舉司官擬陞一等別不見河泊所增九分應陞二等通例送據戶部呈行據省架閣庫照勘得江州路德化縣河泊提領朱

信前界皇慶二年辦到中統鈔五百八十四定七錢八分
本官任內延祐元年延祐二年延祐三年辦到中統鈔五
千五百八十八定一兩四錢內除三週歲並閏月該辦課
程鈔一千八百定四十九兩六錢五分增余鈔一千七百
八十七定一兩七錢五分以十分為率比付前界所辦課
程增及九分之上議得

國家經費課程為大增羨者量加迂賞虧允者進陪點降欲
令監官奉職課程盡實到官其各處恢辦諸色課程俱有
定額今吏部呈江州路德化縣河泊提領朱信任內所辦
課程比附前界增及九分之上若不定立陞賞必致侵漁

官課深為未便以此叅詳河泊所官增課擬合依前例一
體陞降庶凡有所激勸課程盡實到官如蒙准呈邊行照
會相應得此連送戶部約會到吏部侍郎張中憲一同講
議得各處所辦稅課比較增虧已有陞降通例其河泊課
程亦合一體降相應具呈照詳都省咨請依上施行

運司官

鹽場官陞等至治元年四月 日中書吏部約會戶部邢
郎中一同議得運司鹽課已有定額各處煎撈難易不同
擬到增亏陞降等第開坐照詳得此都省准擬除外開坐
前去仰依上施行

各處運司親臨場分得替人員煎辦鹽課以元額十分為率增及一分從優定奪二分減一資歷三分陞一等四分之上陞二等亏及一分添一資二分降一等三分之上升二等皆須追陪斷罪

運司守司運官首領官總行措辦發賣鹽袋驗課鈔到官鹽袋出場方許結課以十分為率增賣及一分者給賞二分之上優加陞用三分減一資四分之上陞一等亏及一分添一資二分之上降一等三分者降二等厘勒倍償斷罪煎鹽其間立法關防恢辦務要有增若是亏煎比例一體點降斷罪分催煎辦官驗各場分除增亏

相補外十分為率增及一分從優定奪二分之上減一資三分陞一等四分之上陞二等亏一分添一資二分降一等三分之上升二等亦行追陪斷罪

河東陝西運司榜鹽即與其余去處煎造不同除另行議擬外據發賣鹽引驗課鈔到官鹽袋出場以十分為率若有增亏鹽課比例一體陞賞造陪斷罪

職制

除赴

官員不赴任及到任推故還家延祐七年正月 日江西

行省准 中書省咨延祐六年閏八月二十一日

奏過事內一件辦事的其間委付了的人每受了

宣勅追去的也有到任嫌事重難推稱緣故與了文書恣意

還家來了的也有奏呵奉

聖旨今後勾當裏委付了不去的嫌事重難推稱緣故迴來了

的每有呵將見授了的

宣勅追了者欽此都省咨請欽依施行

聽除官員開籍貫住坐聽候至治二年抄到江西行省延祐元年三月准中書省咨河南省咨黃州路申近年以來奉省劄照會受

勅官員並省除人數開到元籍仰以例催督之任既奉如此必須行移元籍催請殊不知各官多居先任地方或他處住坐往復文繁以致失悞闕期照會官員若莫開寫聽候去處似望易為行移官員早得之任咨請照詳准此送據吏部呈議得今後本部銓注官員並呈擬資品照依各官元來解由內聽候去處於籍貫下開寫如色目人員開寫住坐去處以憑照會相應具呈照詳得此准呈都省咨請

照勘各官守代何人幾年月日滿闕先行照會以上施行假故

官員迂葬假限至治元年五月日江浙行省准中書省咨來咨監察御史浙西廉訪司言杭州路推官劉陶扶靈前往大名開州迂葬水程車路及代官李惟真不待正期預至任所爭告禮任除另行取問緣為程水路事干通例宜從都省令合干部分定擬相應咨請回示准此送據兵部呈照得至元二十七年奔喪迂葬假限例又檢照得近承奉都省劄付定到之任官員程限內一款已除赴任官員在家裝束假限二千里內三十日三千里內四十日

已上雖遠不過五十日其在路行省大都至本家自起程全到任馬日行七十里車日行四十里乘驛者日行兩站百里以上止一站舟行上水八十里下水日百二十里職當急赴者不拘此例違限百里外者作缺奉此限遵依外今奉前因兵部議得江浙行省咨監察御史廉訪司言杭州路推官劉陶苦假扶護伊母候氏靈柩前往大名路開州本家附葬經涉水程車路約三千餘里自延祐五年正月初五日起程至五月初一日回還有守閩推官李惟真預至任所告爭禮任以馬程之過違數日舟車扣筭往回猶有余日緣馬程水路事干通例以此叅詳水陸道路遲

速不同今後奔喪迂葬之人果有扶護靈柩必須經由舟車者合依赴任水路車程扣筭給假若有違限不到依例勒得所據推官劉陶宜從都省照勘行省照勘依上施行相應具呈照詳都省咨請依上施行

作閩

官員事故申官作閩至治二年抄到中書省延祐元年十月二十五日吏部呈內外官員止憑到任月日為期注代比年以來已除未任官員守缺其間或過親喪或已有病或因事不能赴任以致多有久住曠缺去處省部元由得知耽悞官事未便今後若有已除未任遭值丁憂患病事

故等官令親隣主首人等隨即呈報所在官司申覆合于
上司委正官首領官各一員不妨本職常切提調每季於
季報內依式開寫明白在內關申有部在外申覆行省將
應有所屬通例移咨都省查勘銓注若應申報而不申報
者從監察御史廉訪司糾察又已除官急缺者照依舊例
限裝束行程外百日不到任作缺其餘守缺人員過期不
行赴任隨即作缺如蒙准呈邊行照會相應都省除外仰
照驗施行

未任官丁憂病故申告官延祐五年五月 日江西省省准
中書省咨吏部呈照得各處久任急缺未任官員除常例

季報外有已除未任官員在家聽候經值丁憂致仕病故
在任所元由得知所在官司亦不呈報以致曠職今後未
任官員若遇丁憂致仕病故令本官子孫弟姪隨即赴所
在官司申告轉申上司依例作缺如隱蔽不報或所在官
司不即申達者遠近斷罪仍令監察御史肅政廉訪司依
上體察具呈照詳得此都省議得上項事故等官如元子
男弟姪聽以次人丁申告仍令所在官司督勒當該社長
隣佑人等隨即轉申所屬上司咨呈省部依例標附注代
仍委各衙門首領官一員提調如違罪及當該提調官吏
余准部擬除已劄付御史臺體察外咨請依上施行

告叙

作闕官告叙委官保勘至治二年抄到江西行省延祐六年二月日准中書省咨吏部呈奉省判遼陽省咨大寧路大寧縣達魯花赤阿塔皇慶二年八月初五日禮任至延祐二年正月內忽染風病回家者治至今痊可已作闕別元粘帶過犯辨憑給由咨請照詳送吏部照擬奉此照得大德八年云患病作闕官照陽縣簿尉葛宗顏奔喪離職例內照得大德六年七月云患病作闕官員自大德六年三月初三日為革例又照得至元六年八月十月云年告叙明具不曾求仕緣由例奉此又照得至元二十

八年十月云病故不任官員例本部議得云患病作闕官除大德八年丁憂外合依例保勘例今承見奉本部議得近年以來內外各處患病作闕告叙官吏多不依例委官保勘中間有無窺避又無患病年月痊可日期必須駁問致使求仕人員徃復生受以此叅詳此等告叙人員除延祐四年正月初十日欽遇詔赦已前照勘依例迂叙已後似此告叙官員必須照依呈准定例給由如蒙准呈移咨各處照會劄付本部依上施行都省議得今後似此人員給由若有不完定將當該首領官吏取招治罪餘准部擬咨請依上施行

丁憂

官吏丁憂自聞喪日始延祐五年六月日江西行省准中書省咨為官吏丁憂雖有期限終無始亡聞喪月日理筭定例送刑部約會禮部官一同議得三年之喪古今通制凡官吏遭值親喪以十三月為小祥二十五月為大祥皆見月為理此則係正喪大祥後六十日為制若以始亡月日理筭緣仕宦地方亦有遠在數千里之外者比及訃通報近則不下數月遠則已及終制擬合酌古准今合自聞喪月日為始丁憂相應具呈照詳都省准擬咨請依上施行

萬戶府知事丁憂延祐六年正月日江南行省准御史臺咨奉中書省劄付來呈監察御史呈照刷河南省文卷內一件寧國萬戶府知事孫顯父母俱亡即與軍官不同理合丁憂本府申該驗程限奔喪不行明白區處輒下寧國翼依例施行若不糾呈切恐其余管軍衙門首領官吏亦有似此為軍職不行丁憂之人深為未便如有違犯依例斷罪降叙相應得此送刑部議得鎮守高郵寧國萬戶府知事孫顯父母俱亡如係迂轉之人合依已擬依例丁憂相應具呈照詳都省仰依上施行

雜造諸局匠官一体丁憂延祐七年六月日江西行省

准 中書省咨 御史臺呈准西廉訪司申和州雜造局副夏珪父喪不行丁憂指例抄錄到將作院匠官不行丁憂照會事關通例宜令合干部分定擬具呈照詳送刑部議得三年之喪古今通制所據雜造局副夏珪並將作院隔越

奏准所管諸局匠官俱合一體丁憂具呈照詳都省咨請依上施行

生父期服解官延祐七年三月 日江西行省准 中書省咨御史臺呈陝西臺咨廉訪司申體之禮店軍民元帥府所轄千戶所提控案牘杜文禮係社坤美病故不曾丁

憂看詳杜文禮職掌案牘又係漢人擬合依例丁憂事干通例具呈照詳送刑部約請到集賢院官翰林國史院官太常禮儀院官禮部尚書與本部官一同議得按儀禮為人後者為其父母齊衰不杖期為人後者為其父母寧令諸喪斬哀三年齊衰三年並解官齊衰杖期為人後者為其父母若庶子為後為其母亦解官申其心喪母出嫁為父後者雖不服亦申心喪注云皆為生已者又為人後者為所後父斬哀三年通典舊例皆同大抵聖人制服之意輕重厚薄各當乎禮今行省所稟社坤美將子杜文禮過房與兄社坤為後其生已之父社坤美亡歿既為齊哀期

年之服亦當解官以中心喪解官即丁憂也緣前此未有定例以此叅詳今後同宗過房為後之子於所養父後斬衰三年母齊衰三年並丁憂解官於生已父母合依本部已擬丁憂解官期年願丁憂終制者聽外據各變首領官吏如係迂轉之人即與鎮守軍官不同擬合依例丁憂具呈照詳都省准擬咨請依上施行

官吏侵用官錢不丁憂延祐六年四月 日江西行臺准御史臺咨奉中書省劄付來呈監察御史呈甲匠提舉司司吏周顯狀指武備寺劉奏差將造甲物料扣要訖輕賈中統鈔五十四定勾追得本人父喪丁憂看詳人子丁憂

倫理一也然事有輕重難拘一律如軍官以軍情緊切不拘常例所據武備寺劉奏差係管領軍器衙門所設之人不以軍器為重侵使成追細甲物料價錢比之官吏取受事有不同擬合隨即追問事干通例具呈照詳送刑部議得武備寺劉奏差將造甲不該用物料扣要訖中統鈔五十四定即係官錢雖是丁憂難同官吏取受合依御史臺所擬追問相應得此奉部堂鈞旨送刑部再行議擬通例連呈奉此本部再行議得官吏等因事取受事發到官值父母之喪丁憂終制歸問已有定例別難再議今申匠提舉司司吏周顯等狀指武備寺劉奏差將成造細甲物料

扣要訖輕賈中統鈔五十四定入已即係侵使官錢難同
因事取受若候丁憂終制取問誠為不便以此叅詳今後
有似此侵欺盜詐官錢糧官吏人等既與取受不同雖遇
父母喪制擬合隨即追問所據劉奏差扣要細甲輕賈鈔
定合依已擬相應都省准擬依施行

丁憂犯罪依例追問延祐五年七月 日江西行省准

中書省咨御史臺呈山南廉訪司申近者各衙門貼書祇
候弓手里正主首社長鄉司並無役軍民人等遭值父母
之喪始則以謂雜役元祿之人不行依理丁憂在役勾當
中間起減詞訟說事過錢取受科歛賭博錢物不公不法

非止一端及至告發句問則稱丁憂及有父母喪亡之後
自不丁憂冒哀犯法者合無追問等事本臺看詳其官吏
在任之際或取受不公因事發露不幸罹父母之喪許令
終制追問其各衙門貼書祇候雜役之人既不依理丁憂
而乃冒哀犯法事發之後却徇見有喪制欲逃其罪以此
論之凡為人子喪制之內有犯非違者扞拘官民宜其追
問送據刑部呈云官吏取受不公終制究問例今承見奉
本部議得父母之恩昊天罔極除官吏在任取受不公因
事發露不幸罹父母之喪許令終制追問已有呈准通例
若丁憂之際忠哀犯法宜准御史臺所言依例追問外據

各衙門貼書祇候雜役之人今後有犯事法到官無問犯在喪制已前服制之內俱合隨即究問追斷相應具呈照詳都省准擬咨請上施行

劉萬戶奔繼父喪至大二年正月江西行省准中書省咨來咨端州路萬戶府准副萬戶劉昭信闕叔父劉宣武五月二十日傾逝當職自幼撫養為子長立承繼前職量給限日依例奔喪外本省照得本府擅自許令副萬戶劉昭信奔叔父喪省委官已將當該首領官吏治罪今後似此奔伯叔兄喪事若依所指單州劉知州迎奠兄喪擬免論罪却緣不曾承准都省照會若不責罪有違通例咨請

定奪准此送禮部照擬得劉昭信繼其叔父劉宣武之欲議同親子聞喪奔赴禮所當然今行省不詳此義輒以不應之罪笞其官吏甚所不宜今後凡承後為子者依例給假相應都省咨請依上施行

起服

起服官員諸例至治二年抄到江浙行省延祐三年四月日准中書省咨御史臺呈備監察一切聞治國以正俗為先立政以興賢為首偽不得行賢始得進賤不得貴爵乃為榮所有建白事理內一件舊例居喪奪情起服之官或是

朝廷顧問儒臣或是必用者舊邇來權臣紊壞典故至於富
室少年傭書小吏在官之人動以擇特起服謂如翟斷事
錢提學劉知事等致使內外有機之士驚猜迷惑以為何
籍此等之人奪情起服今後如蒙

奏為通例果是顧問儒學之臣或是必用之者舊特奉

聖旨方許起服庶革小人僥倖士風益張具呈照詳得此延祐

四年十月十六日

奏過事內一件臺官人與了俺文書有治國以正俗為先勾
當裏行的漢兒人每殘了人每呵除合用的好人起服交
行別個的丁憂者麼道

詔書裏行了來近來的勾當裏行兒漢蠻子父母歿了呵便
見識營幹着交人題奏了不丁憂的多了者今後除果是
上位知識必用的好人特奉

聖旨不交丁憂其余的依例交丁憂呵庶革去小人僥倖也者
麼道俺根底與了文書有俺商量來依臺官說將來的交
行怎生奏呵是有那般者麼道

聖旨了也欽此

給由

提調錢糧官任滿交轄給延祐七年三月 日江西行省准
中書省咨延祐六年十一月三十日

奏准節該俺管着的勾當錢糧量重有在前入來的出去的數目少來然那般呵侵盜去陷短少的也有來近年為收支數目多了侵盜短少的怎生無的但是諸人侵盜失陷短少減馱拖欠應合追陪係官錢糧其在延祐四年正月初十日大

赦已前有文案者盡行免徵麼道行了

詔書來當該官司因着勘當追會文案不曾結絕的也有若不整治呵誠恐錢糧數目迺漸的差迷了去也俺商量來諸人侵盜失陷短少減馱拖欠應合追陪的及已支未除錢糧諸物各部官人每提調着照勘了欽此

詔書體例裏合准除的教准除了合追徵的委官追徵今後委部官司計司程依着舊例計典催起更合怎生關防的立法關防外處有的倉庫提調的官人每也依這般理會呵怎生奏呵奉

聖旨那般者欽此除欽遵外檢會先欽奉

聖旨節該今後不揀那個大小提調的別個不揀誰体借要係官錢糧者這般道了呵借要的人每有罪過者提調錢糧人每年月滿呵筭計全交割了呵與解由文字者不全交割呵休與解由文字勾當裏也休委付者欽此又云廉訪司監察成就錢糧一款欽此照得近年以來各處官司不

以錢糧為重因循苟且多不辦集及有侵欺短少失限之數已交未除名項為此除已劄付御史臺欽依添力成就外都省咨請欽依累降並見奉

聖旨事意施行今後各處提調錢糧官任滿交割完備方許給由但有短少不完依例究問追理年終務要齊足毋致仍前廢弛

務官匿過給由求仕延祐六年四月日行臺准御御史臺奉中書省劄付吏部呈奉省判河南省延祐五年正月二十七日咨廬州路廬江縣務提顧俞瑛解由延祐二年受省劄充前役當年二月之任延祐三年二月得替送

據吏部移准刑部門於延祐三年廬州路賍濫冊內照得廬江縣務提顧俞瑛在任取受楊德旺中統鈔二定淮西道廉訪司取訖招伏罪過原免本道已擬依例殿叙不見幾年月日事發若止以得替已後為始殿年扣筭至延祐六年二月為滿今俞瑛隱匿前過殿限未及却自任所廬江縣至河南行省倒給本省延祐五年正月二十七日解由移咨都省求仕蓋是所屬官司中間蒙蔽不行照勘事屬未應為此本部議得諸職官犯賍經斷過免須殿年滿日方聽告叙給由明白開寫所犯過名以憑黜降各處官吏失於遵守以叅詳今後似此犯賍之人違例匿過預先

給由當該官吏及所屬上司並先究治監察御史廉訪司
體察照刷所據任所官司不應蒙蔽俞瑛過犯預絕解由
一節合咨行省取問究治具呈照詳都省仰依上施行

選格

承廕

致仕官一子廕先銓注延祐六年五月 日江西行省准
中書省咨吏部呈奉省判御史臺呈據監察御史呈職官
以禮去任例應致仕委有一子元籍官司保勘先為銓注
俾資俸月養榮其親庶可激勸於將來具呈照詳送吏部
議得告廕之人若親老年止有一子元籍官司保勘明白
宜准監察御史所言不次銓注誠為厚典都省准呈咨請
依上施行

陰陽匠匠人休承廕延祐七年七月 日江西行省准

中書省咨延祐七年三月二十五日速速叅議特奉
聖旨醫人陰陽人匠人的孩兒休交承蔭者他每的本事好呵
勦酌着勾當裏委付也者麼道
聖旨了也欽此都省咨請欽依施行

吏制

總例

諸衙門吏員出職至治元年二月中書吏部承奉
中書省札付來呈奉省判御史臺呈監察御史言吏員人
等出身

世祖皇帝定制以九十月為滿方許出職近年省部不能恪謹
奉行諸衙門通譯史令史宣使奏差人等中間因值例革
者未及考滿不令相梯衙門貼補輒令實歷月日除授紊
亂成規有碍選法今後擬依舊依吏員須以九十月為滿
方許出職違者監察廉訪司糾察追改照得

奏准至元新格內一款謂職官隨朝以三十個月為滿云云
至臨時定奪欽此本部再行議得令譯史宣使奏差人等
合依已擬欽依

詔書九十月為滿中間若有例革或因事離職者並令貼補
考滿依例遷叙果有才幹不允事跡可考者臨時定奪如
蒙准呈本部為例遵守具呈照詳得此都省准呈除外仰
照驗就行各衙門照會施行

書吏

選補書吏至治二年五月抄到江南行臺延祐七年八月
日准 御史臺咨延祐七年八月初二日本臺官

奏過事內一件各道廉訪司書吏奏差各役雖微干係事體
重有為用的人不當呵壞着風憲勾當法蔽必須更張若
不嚴立格限選用呵政事上好生窒碍有今後廉訪司書
吏於正從九品職官并教授見任注代得替有解由的及
應陞教授到選學正山長年四十五以下省得吏事行止
廉慎慎的人每遴選教官一員理本等月日職官依例減
資非文資出身及雜職并察院廉訪司書吏考滿已除職
官者不預歲貢儒人先儘會試終場下第舉子內選用如
或不敷照依舊例貢舉吏員於路司吏歷俸廩及兩考儒
吏兼通行止廉慎自來元過者選貢三臺典吏先選貼書

補充架閣庫子轉補典吏為始實歷請奉三十月發充道
道書吏其奏差於散府州司吏內一考之上通習儒吏慎
行止人內取補歷俸四十五月轉補書吏依例遷調合選
的人每除三臺典吏其其餘並教管民文資正官從公結
罪保舉廉訪司官體覆相同照依延祐三年四月十四日
奏准定例嚴加面試申程開具備細申奉臺劄方許補用三
臺典吏一體試驗委巡歷監察御史嚴行體察如有違例
不應人數及才能無取行止不慎曾有過犯不堪風憲者
隨即革去仍將元舉體覆考試正官首領官糾呈照退當
該書吏斷罪勒停又江南別無北人舉子應試北人教官

儒人出身職官亦少必項用南人先奉

曲律皇帝聖旨廉訪司裏革了南人不教做書吏來

世祖皇帝以來用人不曾分南北俺尋思采四海混一都是

皇帝底百姓有若分南北用人呵於大體上不宜的一般俺明
白奏知江南廉訪司裏每道許用南人書吏四名內舉子
二名教官及正從九品根脚儒人出身職官二名迴避本
貫元舉道分這般嚴切做體例拯治行呵也選得好人不
坏了風憲的法度大勾當裏便益也者呵怜見呵這般教
行的

上位識者奏呵奉

聖旨恁說的是有依着恁商量來的行者欽此咨請欽依施行

選試書吏至治元年五月 日江南行臺准 御史臺咨

承奉 中書省劄付來呈監察御史言各部令史元擬腹

裏各道廉訪司並行臺察院每歲貢舉書吏二員內儒一

名須通吏事吏一名必達儒書近年以來為法不遷調住

調住罷各道廉訪司書吏歲貢正以察院書吏及都省典

吏轉部又許儒人職官秀才內選用因此大啟倖門各部

徃徃違例將不便 資流官雜進職官取用又有儒不通

吏吏不通書循私選用不拘元額以致耽悞官事今既各

道廉訪司依例開貢今將各部諸衙門令史截日取勘見

數即將不應之人盡行沙汰照依舊例貢舉籍記名排挨

次試補如其試不應即須發還一則革去奸弊二則庶得

其材不致失悞公事本部議得御史臺備監察御史言各

道廉訪司依例開貢合將各部諸衙門令史截日取勘見

數不應之人盡行沙汰照依舊例貢部籍記名排試補如

其不應即須發還革去奸弊庶得其材以此叅詳上項事

理若便取勘却緣各衙門補用日久又係已准人數擬自

今後立格六部各衙門令史有闕須要依例於相應人內

試補以憑准設所舉不應之人罪及當該官吏如蒙准呈

本部為例遵守具呈照詳得此都省合下仰依上施行

譯史

通事譯史出身延祐六年七月 日江西行省准

中書省咨江浙省咨各路通譯史出身定例宣令合干部分定擬相應送吏部議擬到下項事理具呈照詳都省咨請依上施行

一各路通事考滿行省元擬除充錢穀官三界比同路

陞轉

前件議得各路譯史如翰林院發補考滿務使一界陞提領所割通事即係一體以此叅詳合依各路譯史例遷叙相應

一各處運司譯史回回書吏行省元擬既以翰林院選發出身未有定例

前件議得運司書吏舊例九十月都目任用本司與各路今故牒行移其蒙古譯史如係翰林院發補九十月為滿比各路譯史減一界陞轉其回回書吏照依漢人書吏舊例出身一體定奪

一財賦總管府譯史行省元擬未有出身定例

前件議得江浙財賦都總管府與運司往復平牒故牒各路財賦譯史如係翰林院所發考滿與運司譯一體出身各譯史遷調至治二年江西行省抄到至大四年七月

准 中書省咨議得建德路譯史吳不里罕既係本路附籍居民理宜避籍遷調據其余路分似此之人一體遷調仍照會翰林院今後避籍發補庶革

蒙古書寫轉補譯史至治元年五月江南行臺准 御史咨承奉 中書省劄付來呈監察御史呈本臺蒙古必閣赤所掌

奏事文字試為重要既省院俱各設置擬添設蒙古書寫一名今切照樞密院宣徽等院見設蒙古書寫役滿俱發所轄司屬三品衙門譯史緣本堂前書寫李彥敬歷俸及考已蒙轉補殿中司譯史又臺典史歷俸三十月例發各道

廉訪司書吏其蒙古書寫即與典史元異以此叅詳今後蒙古書寫歷俸三十月行元過錯比例發補殿中司通譯史并各道廉訪司譯史誠為相應具呈照詳得此送據吏部呈議得樞密院蒙古書寫歷俸四十五月轉補各衛譯史考滿出身正八今御史臺呈擬本臺書寫歷俸三十月轉補殿中司并各道廉訪司譯史若依樞密院書寫一體歷俸四十五月轉補緣廉訪司譯史考滿出身正九似涉不諭以此叅詳除通事從各衙門長官保舉各有出身定例外擬書寫今依御史臺呈如係翰林試發人員歷俸三十月轉補殿中司各道廉訪司蒙古必閣赤相應如蒙准呈

本部為例遵守具呈照詳得此都省除外仰照驗依上施行

蒙古教授充職官譯史延祐六年七月日行臺准御
史臺咨奉中書省吏部呈省判本部元呈翰林院經
歷司呈切見都指揮使司蒙古教授程進充國子監職官
蒙古必閣赤着為公叅勾當本部議得各衙門蒙古譯史
例有轉補人數今却將蒙古教授學正補充未有所守通
例以此叅詳上項譯史書寫除依例補用外果有必用取
補教授學正合比依儒學教授學正轉補令史例一考為
滿止理本等月日照依元任地方遷叙月日雖多不為准

理如蒙准呈本部為例遵守相應具呈照詳都省仰依上
施行

令史

散府上州司吏出身延祐六年二月日江西行省准

中書省吏部呈奉省判江浙省咨松江府申司吏吳祥大
德三年杭州路綠事司吏請一十五年差充行用庫司庫
請俸一十三月大德十一年發充江陽州司吏請俸三十
二月遷充松江府司吏請俸一十六月差充倉副皇慶二
年復補松江府司吏歷俸四十二月通前寔歷散府上州
司吏九十月叅詳散府上州司吏舊例九十月典史一考

陞吏目擬合比依上例考滿歷典史兩考依例陞轉咨請
回示照得延祐元年十二月奉中書省劄付各衙門吏道
降等內一項外路司吏並依舊例申州縣府吏轉充九十
月考滿歷典史一考陞吏目吏目一考陞都目都目一考
陞至提控案牘與從九品奉此今承見奉本部議得腹裏
江南散府上州各處拈治都提舉司係正從四品其司吏
未有陞轉通例以此叅詳若由司縣州吏轉充者歷俸九
十月為滿歷典史兩考陞吏目一考陞都目一考陞至提
控案牘復裏及行省歷三考俱於從九品內遷除違例補
充者雖有役過月日別無定奪具呈照詳都省准呈咨請

依上施行

例前幕職依舊例遷叙延祐五年正月 日江西行省准

中書省咨來咨監察御史照出都吏目鄒傑等八名本省
不照吏員隆等銓注擬合改正本省照得延祐三年正月
初五日准 中書省咨延祐九年九月十二日

奏准官員數內南康路行用庫副馮良弼授建昌路提控案
牘其鄒傑等八名俱係例前差充倉庫重役復充路吏即
與馮良弼一體送吏部照得近奉省判張翊等告係授中
書吏部並行省劄付充都吏目提控案牘四任道理二十
餘年若比依諸衙門考滿令史叙入流官並初換授案牘

人員一體降等實是沉滯照得延祐元年十月十五日
奏過事內一件云漢兒吏道從七品內委付全文欽此本部
照得外路司吏人等舊例九十個月考滿典史一考陞吏
目吏目一考陞都目都目一考陞提控案牘兩考與正九
品張翊等雖未換授


朝命却錄路府司吏考滿之後俱授省部劄付充都吏目提
控案牘已歷年湫終係幕職若與未授吏道一例迴降似
涉不倫以此叅詳除役滿未授幕職司吏人等並依見奉
道例定奪外其例前已授都吏目提控案牘人等宜依舊
例遷叙奉 都堂鈞旨送吏部更為釐明白白依上施行

今承見奉本部議得都吏目鄒傑等八名即係前前已授
幕職人員叅詳合咨本省依例遷叙相應具呈照詳都省
咨請依上施行

鹽場司吏至治元年五月 日江浙行省准 中書省咨
來咨兩浙運司鹽運綱司合無將巡尉司見役司吏內取
充者理司縣司吏月日一體遷調轉補鹽運司行選用者
准巡尉司吏月日發補司縣或各場鹽司吏咨請照詳准
此送據吏部呈照得延祐二年正月內承奉書省省劄付
本部無呈河間等路都轉運鹽使司所轄二十二場額設
司吏六十三名俱係煎鹽竈戶影避鹽課久占衙門侵漁

久弊細難枚舉各場元係從九品既設司令司丞七品衙門欽依從新極治今後鎮撫司並巡鹽司吏有關於本司籍記典史貼書內選補歷俸三十月之上轉補司令司吏再歷一考與隣近縣分互相遷調庶革浸漁之弊本部叅詳河間運司所轄場分今既改陞從七品其司吏有闕擬合比依各縣人吏一體於附近各處巡尉捕盜司吏不係竈戶人內換次上名勾補再歷一考之上與各處縣吏互相遷調如蒙准呈本部依上施行呈乞照詳得此都省准擬除外合下仰照驗依上施行奉此本部議得江浙省咨兩浙運司鹽運綱司於巡尉司吏內取充理司縣司吏遷

調轉補監運自行選用准巡尉司吏月日發補叅詳所設綱司即與河間運司場司一體如蒙比例准蒙移咨本省依上施行得此都省合行移咨請依上施行



鈔校書籍

